

**CRISTINA BAUTISTA: YAWARKAMA  
PHAWANI KAY PACHAMANTA**

## **Anchata agrdesyiku Bautita Taquinás familiata, movimiento de la Mujer Nasa Hilando Pensamientotawan.**

**Kay qelqaytaqa ruwan:** Vilma Rocío Almendra Quiguanás, “Pueblos en Camino” manta.

**Dibujukunata herq'ekunapaqh qelqaytawan:** Violeta Kiwe Rozental Almendra

**Qallariynin dibujuqa copiasqa** “Universidad del Valle” perqamanta, Cristina Bautista yupaychanampaqh.

**Dibujukuna allichay:** Vilma Rocío Almendra Quiguanás

**Llapanta churay sapanka qelqayta, maypin rinqa:** Derly Constanza Cuetia Dagua, “Pueblos en Camino” manta

**Runasimiman t'ijraqh:** Hugo Blanco Galdos



Tejiendo Autonomías entre Pueblos y Procesos



Violeta kiwe y Vilma Rocío



Tacueyó ayllupi paqariran, yaqa pesqa chunka wata kunan kama, “Consejo Regional Indígena del Cauca- CRIC” sutiyaşqa paqariran. Chay allpapiqa allintan llaqhtaqa chuchupakuran, paykuna kikinku kamachikuyta mashkjashranku Nasa sutiyoqh llaqhtaqa. Colombia sutiyoq nashunpi paqarirran. Kunanqa. Wañuchiġhkuna huñunasqa, mana allin qorayuntin, (chunka watamanta yupasqapi “mariwana” sutiyoqta ujumpi), Pachateġhsintinmanta allpayku kama, suawashanku imaymanata, kawsayniyikutawan. Mana maġanakuyllawan llaqhtanchisqa ancha k’irisqan kashan.





Cristina Bautista Taquinásqa kawsan chunka iskayniyoqh noviembre killapi 1989 watamanta pacha. El Culebrero. Tacueyó Toribío Caucapin paqariran Dioselina Taquinás, Uriel Bautistapuwan chaskiranku ususinta, paymi karan kuraqh wawanku. Awelampa wasimpi, hoqh wachachiqh yanapakuqh warmipas chaypin karan. Taytacha yupaychaqh wasipin paqariran.







Qhepantañan chayaranku turan  
Eduar, chaymantataqh ñañankuna  
Deyanira, Viviana, Amalfiwan.  
Wajchayaranku taytamamanku,  
chaywanpas pay. ñañaturankuwan  
kushka, kusion qawsaranku.





Huch'uychanmanta pacha,  
hoqh "Casa Hogar" sutiyoqh  
wasiman riran turan q'epiyusqa,  
ñañantataq makinmanta  
aysayusqa.









Wajcha kaspanmi hoqh p´achayoqhlla karan, ichaqa yachaqh wasipi, “escuela” sutiyoqhpi, payqa allintan llank´aran. Tawa wata escuelapi, mat´iranku kushkan “libra” arrosta churanampaqh; manataqh qolqeyoqhchu karan, escuelamanta loqhsiran. Huchúycha kasqanmanta pacha, yachachiran tura-ñañankunaman llank´anankupaqh, payqa munacheqmi mijunakunata, “crispetas (sara hank´a), buñuelos” sutiyaqata.







Chunka iskayniyoqh watayoqh kaspanmi  
riran Corintuta, muchachamanta wasipi  
llank´aqh. hoqh watapi yacharan serayta  
makinapi, señorachakunaq pollerankunata,  
“falda” sutiyaqata. Qolqeta waqaycharan,  
wasinman kutimuspataq taytanman qolqeta  
qon serana makinata rantinampaqh.  
Mamitampaqh ñañankunapaqwan  
p´achatan ruwaran.







Musphayninga karan aswan hatun  
makinata rantiy, chunka kimsayoqh  
watampi kaspá, haykun muchachamanta  
Calipi. Chay llank´asqampitaqh,  
wasiyoqh qhari violayta munan. Hoqh  
reqsisqan sipas yanapasqan ayqeyta  
atin. Chaymantataqh haykun kharu  
wasiman kaqh llaqtapi.







Llank´aran paya seorakunata kuydaspa,  
huakinga ususinta hina munarqanku,  
hoqhkunataq mana allinta tratanku.

Hoqh millon de pesusta huuqhtin  
mamitanqa yuyachiran serana makinata  
rantinampaq, pay ichaqa chay qolqewan  
tajsaj wakachata rantin. Payqa manan  
wasinkuman kutiranchu. Calipi llank´aran  
familiaranta yanapanampaq.









Hoqh payachaqpata chayan,  
payachaqa yanapan estudianampaqh.  
Examenta wasapan, chaskinku  
quintupi. Graduakun Colegio Santa  
Libradapi, imbitan mamataytanta,  
paykunatataqh nin Unibersidadman  
haykuyta munasqanta.





Colegio Republicano de  
**SANTA LIBRADA**





Unibersidadman haykun, llank´arantaq  
Calipi juguta bindispa. Allinmi riran,  
imaymanata yacharin chay llank´aypi,  
rantintaqh chay negoshuta. Ashkjan  
rantiqhninkunaqa karan. Aswan  
allinmi riran. Chaymantataqh pusan  
ñañanta “cholaos” (cholaoqa qasasqa  
unu misk´iyogh) bendenampaqh.







Hoqh imbidioso weraqocha  
mancharichiyta munan waqhantaqh  
polisiata. Paykuna chayaranku  
negoshunta qechuqh, apakunkutaqh  
llapa tukuy ñakaryiwan lugrasqanta,  
Chay pasasqan anchata llakichin,  
chayrayku mana allintacho apan  
estudiunta Universidadpi.








Taytanqa mañaran estudiunta  
wijch'unanta, kutinampaqh. Payqa  
manan munarqanchu. Hoqaqh llank'ayta  
logran, ichaqa chhaynaneraqh yarqayta  
psasqan rayku, chujchanqa urmaran,  
qonqariytaq umanman haykun.  
Mamitanqa atispaqa bisitarqan, leche,  
kesotawan apaspa yanapanampaqh.









As asmanta Universidadpi kallpachakun.  
estudiarqan armawan maqanakuypi  
wañuqhkunamanta, warmikuna contra  
violenshatapas estudiarqan. Anchata  
kallpachakuspa “trabajadora social”  
hina hunt’an estudiunta “del Valle”  
Universidadpi. Chaymantaqh Españapi  
chaskinnku runakunaqh derechunkunata  
estudianampaq man pagaspalla.







Pay ruwayninga karan warmikuna organisashonta ruway, hoqhtaqh sayapakuy ayllukunaqh kausayninman. Manan hayk´aqhpas yuyaranchu Qhariwan tiyay, casarasqa, wawancunayoqh. hoqh wasipi wesq´asqa. Musphayninga karan riy, puriy, hoqh llaqhtakuna rikuy. Hoqh kutin taytamamanta pusan rikunankupaqh Santa Martha, Barranquilla, Cartagena llaqhtakunata.







Yuyayninga h'unt'asqan karqan.  
Toribío llaqhta yaqa umapi kasharan  
warmikuna ñitiypi. Chayrayku anchata  
kallpachakuran justiciata mashkjaspa.  
Mashkharanmi imaynapi hoqaqh  
warmikunawan huñukuita. Qolqenta  
churaspanmi chaytaqa ruaran.







Ayllukunaqh nisqankuta uyarin, yanapantaqh kawsarinampaqh **“Movimiento de la Mujer Nasa Hilando Pensamiento”** sutiyoqh, chaytaqa payqa ruwan waynakunawan askhan karanku, Payqa niran: “Purinin muyurintinta, ichaqa wakin pasasqanmanta manan rimakunchu, mancharikuywan. Munanin warmikuna organisakunanta, huñurikunankuta, uyarusqataqh kachunku. derechuyoqmi kananku. Sinchi nanaymi kan.”









Allin llank'asqan rayku, warmikunata  
uyarisqan rayku payta mañanku  
candidata kanampaqh kamachikuqpaqh  
Neehwe'sx. Ayllu eleccionpi p'unchayqa  
ashkhan paita ajllaranku soqhta  
ajllasqapi Tacueyó ayllupi.







Kamachikuqh kaspanqa, kumun runa hinalla karan, pacha organisshunkunawan purin. kushka purirqan “guardia indígena” sutiyoqhwan. Yanaparqanmi wakin waynakunata “drogas” nisqankuta wijch’unankupaqh, justicia kananta mashkharan. Yanaparqan warmikunata yapamanta huñunakunankupaqh.







Qhari kamachikuqkuna, warmikuna qhari kamachinanta munaghkunapas, mana munarankuchu Cristupi criisqan rayku, warmi kasqan rayku, sumaq rimayniyoqh kasqan rayku, kausayta sayapakusqan rayku, warmikuna derechuyoqh kanankupaqh, runakunaman sayapakusqan rayku. Wakintaqh cheqhnikuranku “drogas” nisqa tarpusqankumanta riman, chay raykun maqanakuy kan. Hoqh kutin niranku: “Wijch´uy chay k´aspita (Kamachikuqh varamanta), manan qanqa intindinkichu.”







Runaqh kamachikuqanta respetaran. Allintan sayaran  
“drogas” nisqa chinkanampaqh armayoqh runakuna  
contra, qharikunalla kamachiqh kanakupaqh contra.  
Waqaranmi sapa ronderuta wañoqhtinku, runakuna  
wañuchiya munasqankuwan, chansakunamantapas  
waqachiranmi, pipas mancharikuywan kamachikuyta  
munaqhtin, hoqh sipisqata p´ampaqhtinku rimasqan,  
ruwaynimpas qespiyninman tukun:” Rimaqhtinchis  
wañuchiwanchis. Ch´inlla kaspanchispas wañuchiwanchis.  
Chaiqa rimasunchis”.









Mancharichiyta munanku  
kamachikuqkunata Pachamama  
uywaqhkunata, rondata ruwaspa. 28  
p'unchaypi, 2019 watapi hoqh camionetan  
muyupayasharan cabildoqh wasinta  
las 10:30 horasta baleaspa phawaran.  
Manan k'irisqa karanchu. Payqa manan  
pi wañunanta munarqanchu. Paypa  
kausanninta churaspapas







29 p´unchay octubre killapi. Cristina ronda campesinapuwan qaticacharanku armasqa runakunata. chay runakunaqa karanku hoqh organisashonkunamanta, Paykunaqa ñit´inku wajcha runakunata. Paykuna pakakuspanku Wañuchinku Cristinata. Manan payllatachu. Paywan kushka wañunku Asdrúbal Cayapu, Eliodoro Finscue, José Gerardo Soto, James Wilfredo Soto. Pay ñak´ariyninwan, maqanakuyninwan kawsashanku, manan hayk´aqhpas pipas, qonqachinqachu.





Llapa payta reqsiqhkunaqa yuyarisaghku asiininta, imayna sasa kaqhtimpas.

“Runamanta maqanakuqhqa lllapanchismi kanchis, ichaqa ruaspanchis”

“Warmiqa kananpuni, pachateqhsinmi chayta nin, chaytan hunt’ananchis”

Cristina Bautistaqa Taquinás kausaynin qallarín 12 nobiembre killapi 1989 wata. Wañuntaqh 27 octubre killapi 2019 wata.



---

Willakuy.- Kay qelqa t'ijrayqa manan cheqaqh t'ijraychu, kunan qheshua simi rimaqhpqhmi.

Chayrayku “En la Universidad” manan t'ijranichu: “Kuraqh yachaywasipi”. t'ijrani “Universidadpi”



“Rimaqtinchis wañuchiwanchis. Ch’inlla kaspanchispas wañuchiwanchis. Chaiqa rimasunchis”.